


大唐內典錄籍第五

四百五十三
鼓五

51213



元祿九年丙子二月日重脩

皇圖瓊閣 帝漸級昌

佛日增輝 懋輪常轉

山城州天安寺法金剛院置



大唐內典錄卷第五

鼓五

京師西明寺釋道宣撰

歷代衆經傳譯所從錄第一之五

後周 陳朝 隋朝 皇朝

後周宇文氏傳譯佛經錄第十五

世襲亂離魏晉更霸各陳正朔互指偽朝行

義可曰銷罄德行是稱凋殞仍自諸代國史

昌言我是彼非斯則一是一非一政一虐都

難愜當誰敢籌之故北魏以江表為島夷南

晉以河內為德鬻周承魏運魏接晉基餘則

偏王無所依據而宋齊梁陳之日自有司存

國亡帝落遂即從諸筆削可不然乎周之先



祖宇文覺者即西魏大丞相黑秦之世子也
秦舉高陽王為魏帝西遷長安改衣襜為皂
色号大統元年一十八載改年廢帝立魏齊
王四年而薨覺承魏禪當年被廢立弟毓為
帝四年而崩立弟邕為帝太祖第三子也開
闢大度統御群小立十二年殺叔大塚宰晉
國公鼓護父子十人大臣六家改元建德至三
年內納道士張賓妖佞云佛法於國不祥遂
滅除之至建德六年東平齊國又殄前代數
百年來公私寺塔掃地除盡融刮聖容焚燒
經典八州佛寺出四十十盡賜王公三方釋
子減三百萬還歸編戶帝以為大周一統天

下無事也志高慮遠改元宜政五月而崩太子贊立殺齊王父子八人改元大成二月立子衍為太子禪位與之改元大象自号天元皇帝立四皇后威儀服飾倍多於古大象二年五月天元崩子衍立正月一日改元大定二月禪位於隋周凡五帝二十五年治於長安傳譯沙門一十一人所出經論天文要等三十二部合一百四卷為後周經錄云

沙門釋曇顯

一部二十卷經典

沙門攘那跋陀

一部一卷論

沙門達摩留支

一部二十卷梵天文

沙門閣那耶舍 六部一十七卷經

沙門耶舍岨多 三部八卷經

沙門閣那岨多 四部五卷經

沙門釋僧勛 二部二卷傳

沙門釋慧善 一部八卷論

鼓

沙門釋亡名 一部十一卷論銘傳

內典錄卷五沙門釋靜藹 一部十一卷三寶集

沙門釋道安 一部一卷三教論

周象經要二十二卷 一百二十法門

右二部二十三卷魏丞相王宇文黑泰

興隆釋典崇重大乘雖攝萬機恒闡三

寶第內每常供百法師尋討經論講摩

訶衍遂命沙門釋曇頭等依次乘經撰
菩薩藏衆經要及一百二十法門始從
佛性終至融門而開講時即恒宣述永
為常則以代先舊五時教迹迄今流行
山東江南雖稱學海軌儀措則更莫是
過乃至香火梵音禮拜歎佛悉是其內
每事徵叢領綱有據

五明

論

一 聲論

二 醫方論

三 工巧論

四 咒術論
五 符印論

右明帝世波頭摩國三藏律師攘那跋

陀羅周言智賢共闍那耶舍於長安舊

城婆伽寺譯耶舍崛多闍那崛多等傳

譯沙門智僊筆受

婆羅門天文二十卷

天和年出

右武帝世摩勒國沙門達摩流支周言

法希為大塚宰晉蕩公宇文護譯

定意天子所問經五卷

出大集天和六年
譯沙門圓明筆受

大乘同性經四卷

一名佛十地經一名一切
佛行入智毘盧遮那藏經
佛行入智毘盧遮那藏經

寶積經三卷

鼓內典錄卷五

天和六年譯沙
門道誓筆受

入如來智不思議經三卷

天和三年譯沙
門圓明筆受

佛頂咒經并功能

保定四年譯學
上鮑永筆受

大雲輪經請雨品第一百

天和五年譯沙門
圓明筆受初出

右六部一十七卷武帝世摩伽陀國三

藏禪師闍那耶舍周言藏稱共二弟子

耶舍崛多闍那崛多等為大塚宰晉蕩
公宇文護於長安舊城四天王寺譯柱
國平陽公侯伏壽為摠監檢校

金光明經更廣壽量大辯陀羅尼五卷

第二出於

歸聖寺譯
智德筆受

須跋陀羅因緣論二卷

於四天王寺譯
沙門圓明筆受

十一面觀世音咒并功能經

於四天王寺譯
上儀同城陽公
蕭吉筆受

右三部八卷武帝世優婆塞國三藏法師

耶舍崛多周言稱藏共小同学闍那崛

多為大塚宰宇文護譯

金色仙人問經二卷

於長安四天王
寺譯蕭吉筆受

妙法蓮華普門重誦偈

種種難呪經

佛語經

上三經並在益
列龍淵寺譯

右四部合五卷武帝世北天竺捷達國

三藏法師闍那崛多周言志德於益列

為摠管上柱國譙王宇文儉譯沙門圓

明筆受

鼓
內典錄卷五

釋老子化胡傳

十八條難道章

右二卷新州願果寺沙門釋僧勔撰配

以像代邪正相參季俗澆情易為趨競

未辨真偽更遍譽毀今以十八條難檢

三科遣釋則聖賢皎然凡俗見矣其序

略云勔以老子與尹喜西度化胡出家
老子為說經戒尹喜作佛教化又稱是
鬼谷先生撰南山四皓注未善尋者莫
不信從以為口實異哉此傳君子尚不
可罔況貶大聖乎今誠尋此說非直人
世差錯假託名字亦乃言不及義翻辱
老子意者勝人君子不出此言將是無
識異道誇競佛法託鬼谷四皓之名附
尹喜傳後作此異論用迷凡俗傳而不
習夫子不許妄作者凶老君所誡此之
巨患增長三途宜應糾正救其此失然
教有內外用生疑似人有聖賢多迷本

迹今考校年月究尋人世依內經外典
採撫群達誠言區別真假使一攬便見也
散華論八卷

教

右揚州栖玄寺沙門釋慧善撰善工毗
曇學以智度論每引小乘以證成義善
故依文次第散釋譬諸星月助朗太陽
內典錄卷五猶如衆華繽紛而散故名散華論也序
略云著述之體貴言約而理豐余頗悉
諸今覩縷者正由斯轍罕人諳練是以
觸義慙慙逢文指掌詳攬君子想鑒鄙
心焉善太清季上江陵承聖未入關在
長安舊城崇華寺柱國塚宰別供養數

演法勝迄乎壽終六十餘矣

至道論

淳德論

遣執論

不殺論

去是非論

修空論

影喻論

法界寶人銘

并序

厭食想文

僧崖菩薩傳

保定二年於成都燒身當焚身日數百里內人悉集看肉骨俱盡唯留心在天卒瑞相具在傳載長房親見

韶法師傳

并序

擬陸果觀音應驗記

驗善知識傳

右一十卷武帝世沙門釋七名著俗姓

宋諱闕殆南陽人為梁竟陵玉友曾不

鼓

婚娶梁敗出家改名上蜀齊王入京請
將謁帝以元非沙門欲逼令反俗并遣
少保蜀郡公別書勸喻報書云六不可
其後略云沙門持戒心口相應所列六
修若有一誑生則蒼天厭之靈神殛之
死則鐵鉗拔之融銅灌之仰戴三光行
內真錄卷五年六十不欺暗室况乃明世且鄉國殄
喪宗戚衰亡貧道何人獨堪長久誠得
收迹山中攝心塵外支養殘命敦修慧
業此本志也寄骸精舍乞食王城稱力
行道隨緣化物此次願也如其不尔觸
處丘壑安能憤憤久住閭浮地乎有集

十卷文多清素語恒勸善存質去華見
重於世

三寶集一十一卷

右一部武帝世沙門釋彪藹依諸經論
撰出弘讚大乘光揚像代錄佛法僧事
故云三寶集藹後厭身遂自捐命其捨
壽日遺偈略云一見身多過二不能護
法三欲速見佛早令身自在法身自在
已存在在諸趣中隨有利益處護法救衆
生又復業應盡有為法皆然三界皆無
常時來不自在他殺及自死終歸如是
處智者所不樂應當如是思衆緣既運

湊業盡於今日凡三十餘偈山壁樹葉
血徧書已然後捨命

二教論

鼓

內典錄卷五

右一論武帝世既崇道法欲齊三教時
俗紛然異端競作始以天和四年三月
十五日召集德僧名儒道士文武百官
二十餘人於大殿上帝昇御筵身自論
議欲齊三教至二十日復集論議四月
十五日如前集議到二十五日司隸大
夫甄鸞上笑道論至五月十日大集群
臣評笑道論以為不可即於殿庭以火
焚之至九月沙門釋道安慨時俗之昏

蒙遂纂斯二教論以光至理有一十二
篇以內外二教為本道無別教攝入儒
流易之謙謙斯其徒也故外論之本古
昔先王為教主也仁義五常為教體也
孔丘述之亦非主也是以外教之宗治
身治國盡於身代餘不有言內教之本
以佛為教主除惑入正為教所歸諸餘
道俗讚述而已是以前教之宗不以身
為累本意存心惑是稱內也道教云天
下大患莫若身斯言同儒故入外攝
故內外二教文理卓明初帝重道而輕
佛欲除佛而存道及覽安論無以抗之

遂二教俱除別立通道觀簡二教諸人
達解三教者置負立字署衣冠而登其
門焉餘如續高僧傳四二十

陳朝傳譯佛經錄第十六

有梁祚微禍難自作魏末大臣侯景統御河

南因隙奔梁帝獨建議納之封為河南王乘

寵亂階遂陷梁室經於兩載乃稱尊号梁湘

東王先在荆陝使大將王僧辯陳霸先等往

平金陵曾未旋踵湘東為西魏所滅僧辯為

霸先所殺擁兵稱王都於金陵以姓為國其

先吳興長城人代為甲族形器異倫長九尺

二寸鬚長三尺垂手過膝神明高故眾所推

重及隨大寶復故梁基舊建業都七百餘寺
侯景焚藝餘者無幾陳祖興祚皆備修補翻
譯新經講通舊論不謝前軌自創國太平元
年至降主叔寶禎明三年合五帝三十三年
其二十四年與周同政其九年與隋同政所
降之年即隋開皇九年也傳譯道俗三人所
出經傳論疏等合四十八部摠二百五十七
卷為陳朝經錄云

沙門俱那羅陀

三十八部
二百三十二卷
經論疏傳論

王子月婆首那

一部七卷
經

沙門須菩提

一部八卷
經

沙門釋慧思

八部十卷
大乘觀門

佛阿毗曇經九卷

無上依經二卷

永定二年南康郡淨土寺出

解節經

此本有十八品今止第四一
品一卷真諦略出以證義耳

金剛般若波羅蜜經

第三出與什菩提流
支出本同廣畧異

廣義法門經

僧澁多律

陳言
惣攝

修禪定法

俱舍釋論二十三卷

俱舍論本鼓內典錄卷五一十六卷

攝大乘論一十五卷

天嘉四年廣州制旨寺
出慧愷筆受或十二卷

立世阿毘曇一十卷

永定二年出

佛性論四卷

四諦論四卷

僧佉論三卷

攝大乘論本三卷

第二譯與元魏佛
陀扇多出少異

九

十八空論三卷

豫章 隱寺出

中邊分別論三卷

臨川郡出并疏三卷

金七十論二卷

俱舍論偈

金剛般若論

津二十二明了論

亦云明了論 并疏五卷

大般涅槃經論

遺教論

三無性論

及質論

墮負論

求那摩底隨相論

寶行王正論

成就三乘論

正說道理論

意業論

執異部論

佛阿毘曇

起信論

解卷論

思塵論

唯識論文義合一卷

第二出與元魏般若流
支出異在臨川郡出

正論釋義五卷

於晉安佛
力寺出

佛性義三卷

禪定義

俱舍論疏六十卷

金剛般若疏合一十一卷

十八部論疏一十卷

解節經疏四卷

無上依經疏四卷

如實論疏三卷

四諦論疏三卷

破我論疏

隨相論中十六諦疏

始興郡出

婆藪盤豆傳一卷

象經通序二卷

翻外國語七卷

一名雜事一名俱
舍論因錄事

右四十八部合二百三十二卷周武帝

世西天竺優禪尼國三藏法師拘那羅
陀陳言親依又別云真諦起陳氏永定
元年丙子至太建初己丑凡十四年既
懷道遊方隨所在便譯並見曹毘三藏
潛傳云闍梨太建元年正月十一日午
時遷化年七十一遺文並付神足弟子
智休領受三藏寺沙門法海末集闍梨
文本已成部軸云闍梨外國經論並是
多羅樹葉書凡有二百四十縛若依陳
紙墨翻應得二萬餘卷今之所譯止是
數縛多羅葉書已得六百餘卷通及梁
代減三百卷是知佛法大海不可思議

其梵本華嚴涅槃金光明將來建康已
外多在嶺南廣州制旨王園二寺莫不
思議弘法大士將來共尋庶令法燈傳
照不隱翹於海隅

勝天王般若波羅蜜經七卷

鼓

右周武世月婆首那者生知俊胡自魏

內典錄卷五

達齊之

梁逮陳世學佛經

十一充精義理洞

曉音韻兼善方言那先在鄴齊受魏禪
諸有蕃客去留任情那請還鄉路經江

左因尔遂被梁武帝留勅摠監知外國
使命太清二年忽遇于闐婆羅門僧求
那跋陀陳言德賢有勝天王般若梵本

那因祈請乞願弘宣求那跋陀嘉其雅
操豁然授與那得保持以為希遇屬侯
景亂未暇及翻携負西東諷持供養到
陳天嘉乙酉之歲始於江州興業伽藍
方果譯出沙門智昕筆受陳文凡六十
日江州刺史儀同黃法氈為擅越僧正
沙門釋慧恭三學德僧監掌始末具經
後序不廣煩述那雖一身而備經涉歷

魏齊梁陳相繼宣譯

大乘寶雲經八卷

第二出與梁世曼陀羅
所出七卷同本異出

右周武扶南國沙門須菩提陳言善吉
於揚都城內至敬寺為陳主譯見一乘

寺藏象經目錄

四十二字門兩卷

無諍門兩卷

隨自意三昧

次第禪要

釋論玄門

三智觀門

安樂行法

弘誓願文

鼓

右八部十卷南岳沙門釋慧思撰思本

內典錄卷五

武津人定慧凝遠性戒自然威德十二尊嚴

道風遐扇幼感梵僧勸令出俗長蒙徧

吉現形摩頂諷誦法華智通宿命翹勤

方等靈相鬱蒸九旬策修一時圓證法

華三昧大乘門於一念中朗然開發自

是之後寂照幽深辯才無滯於是內求

之侶重疊雲集以所證法傳授學人並
託靜山林宴居巖藪練微入寂弘益巨
多昔江左佛法盛學義門自思南度定
慧雙舉乃著茲觀法以通大化皆口授
成章不加潤色而理玄旨奧蓋千載之
徵猷焉

隋明傳譯佛經錄第十七

天命有隋膺斯五運帝圖榮祐宅此九列所
以誕育之初神光洞發君臨已後靈瑞競臻
故使天兆龜文水浮五色地開泉醴山響萬
年雲慶露甘珠明石變聳聞瞽視瘖語蹙行
禽獸見非常之祥草木呈難紀之瑞是知音

聞七寶匪局金輪今則神異四時徧和玉燭
徃以赤若之歲黃屋馭宸土制水行興廢毀
之佛日火乘木運啓嘉号於闕皇高祖以周
靖帝大定二年黃龍降於舊地卿雲見於城
上二月十三日周以帝祚歸禪在隋景命既
隨服黃替皂廢周六官依漢五省佛日還曜
法水鼓潛通內典錄卷五其冬有前周沙門賈西域十三梵文二
百餘部膺期而至下勅所司訪人令譯闕皇
二年仲春之月便就翻傳季夏詔曰殷之五
遷恐民盡死是則以吉凶之土制短長之命
謀新去故如農望秋龍首之山川原秀麗卉
木滋阜宜建都邑定鼎之基永固無窮之業

在茲可域城曰大興城殿曰大興殿門曰大興門懸曰大興縣園曰大興園寺曰大興善寺三寶慈化自此而興萬國仁風緣斯遠大伽藍鬱峙法宇交臨開士肩聯信心接踵及仁壽啓号寶塔是興百有餘列皆陳靈應于斯時心四海靜浪九服無塵大度僧尼將三十萬崇緝寺宇向有五千翻譯道俗二十四人所出經部垂五百卷煬帝嗣錄卜宅東都仍於洛濱上林園置翻經館四事供養無乏歲時翻度新經備如別錄令摠一朝兩代三十七年道俗二十餘人所出經論傳法等合一百一十一部六百六卷結為前隋傳錄如左

京師洋川郡守曇法智一部一卷經

沙門毗尼多流支二部二卷經

沙門那連提耶舍八部二十八卷經

沙門釋僧就一部六十卷經

沙門闍那崛多三十七部一百

沙門釋法上三部四十三卷數錄

沙門釋靈裕八部三十卷論記十四

沙門釋智顛十九部八十七卷

沙門釋信行二部四十卷三階集

沙門釋法經一部七卷經目

沙門釋寶貴一部八卷經

沙門釋僧粲一部一卷論

數

內典錄卷五

沙門釋僧琨 一部三十一卷數論

沙門釋彥琮 六部九卷論傳錄

沙門釋慧影 四部三十七卷解論

廣州司馬郭誼 一部二卷

儒林郎侯君素 一部二十卷傳

晉府祭酒徐同卿 一部二卷論

翻經學士劉憑 一部一卷內數術

勅有司撰象經法式 一部十卷

沙門釋灌頂 五部一十三卷
觀門錄傳記

東都沙門達磨笈多 七部三十卷
經論

沙門釋明則 一部一十三卷
經論

沙門釋行矩 二部二卷

大隋業報差別經

開皇二年三月譯第二
出與罪業報應同小異

右一部元魏世婆羅門優婆塞瞿曇般
若流支長子達摩般若隋言法智門世
已來相傳翻譯高齊之季為昭玄都齊
國既平佛法同毀智因僧職轉任俗官
冊授洋州洋川郡守大隋受禪梵牒即
內典錄卷五
來勅召智還使掌參譯於大興善寺翻
十五
出智既妙善隋梵二言執本自翻無勞
傳語大興善寺沙門成都釋智鉉筆受
文詞銓序義理日嚴寺沙門趙郡釋彥

琮製序

象頭精舍經

開皇二年二月譯第二
出與伽耶山頂經本同

大乘方廣惣持經

開皇二年七月譯

右二部北天竺烏場國三藏法師毗尼

多流支隋言滅喜既不遠五百由旬振

錫巡方來觀盛化至止便於大興善寺

譯出給事李道寶般若流支次子曇皮

二人傳語大興善沙門釋法纂筆受為

隋言并整文義沙門彥琮並製序

大方等日藏經十五卷

開皇四年五月起出
五年二月訖沙門智

鉉道邃慧獻奉朝請度
質學士費長房等筆受

力莊嚴三昧經三卷

開皇五年十月出費長

大莊嚴法門經二卷

開皇三年正月出智鉉
筆受與文殊師利神力
經勝金色光明女經大
淨法門經本同小異

德護長者經二卷

三年六月出僧琨筆一名
掘多長者經與申日龜本
及日光童

運華面經二卷

四年三月出
子經同出

大雲輪請雨經二卷

五年正月出是大
雲經第一百品

牢固女經

二年十二月出

百佛名經

二年十二月出上四經悉獻筆受

鼓內典錄卷五

右八部二十八卷北天竺烏場國十六藏法

師高齊昭玄統那連提耶舍隋言尊稱譯

舍少出家五天遊四大小諸國經六十餘

但是釋迦勝迹處所無不必踐既窮南海

還返北天復之茹茹逢彼國破因入鄴都

正值文宣時始四十舍之骨瘦頗異等倫

緣是文宣偏所待遇藉甚既著理此統焉
時亦出經論備齊世錄齊被周滅仍憇漳
濱開皇元年新經至止勅便追召二年七
月傳送到京見勞慙勲即勅安惠大興善
寺給以上供為法重人其年季冬就于翻
譯沙門僧琛明芬給事李道寶學士曇皮
等僧俗四人更述度語京城大德昭玄統
沙門曇延昭玄都大興善寺主沙門靈藏
等二十餘德監掌始末至五年十月勅校
訖了舍九十餘矣至九年而卒有別傳所
譯之經並沙門彥琮製序

新合大集經六十卷

右招提寺沙門釋僧就開皇六年新合長
房錄云就少出家專寶坊學依如梵本此
大集經凡十萬偈若具足出可三百卷見
今譯經岨多三藏口每說云于闐東南二
千餘里有遮拘迦國彼王純信敬重大乘
諸國名僧入其境者並皆試練若小乘學
即遣不留摩訶衍人請停供養王宮十七自有
摩訶般若大集華嚴三部大經並十萬偈
王躬受持親執鍵鑰轉讀則開香華供養
又道場內種種莊嚴衆寶備具並懸諸雜
花時非時果誘諸小王令入禮拜彼土又
稱此國東南二十餘里有山甚險其內安

置大集華嚴方等寶積楞伽方廣舍利弗
陀羅尼華聚陀羅尼都薩羅藏摩訶般若
八部般若大雲經等凡十二部皆十萬偈
國法相傳防護守視兼云有三減定羅漢
在彼山窟寂禪真衛半月一月或有僧往
山為羅漢淨髮信哉神力固當實受鬚髮
剃還生入滅定不動難思議福地獲此宝
任持所冀今來明王睿主種賢紹聖弘法
化君寫以宜流所統之內聞善尚傳故因
叙載然去聖將遠凡識漸昏不能摠持隨
分撮寫致來梵本部夾帙全略至略翻廣
來廣譯緣是前哲支曇所翻及羅什出或

二十七或復三十或三十一卷軸匪定就
既宣揚每恒嗟歎及觀耶舍高齊之世出
月藏經一十二卷至今開皇復屬耶舍譯
日藏經一十卷既並大集本舊品內誠欣
躍即依合之成六十軸就雖附入未善精
比有大興善寺沙門洪慶者識度淵明奉
為數皇后檢校抄寫衆經兩藏遂更十八正就所
合名題甚為整類又今見翻其間尚有是
大集分略撮都訖應滿百卷於本梵文三
分指一旦夫土石末為細塵無自持之力
及其結為堆阜有生載之功況條雜株希
盛榮流捨源求廣潤而可得乎我隋皇帝

之挺生也應天時順地理九州薤隔出三
百年十萬偈分將喻千祀散經還聚聚光
大集之文別壤遂通通頭大興之國非夫
位握金輪化弘方等先皇前帝開壇闡法
其孰並斯焉

佛本行集經六十卷
七年七月起十一年二月
憑等筆

彦琮序

法炬陀羅尼經二十卷
十二年四月起十四
道遠等筆

威德陀羅尼經二十卷
十五年七月起十六年
琨等筆

諸佛護念經十卷
十四年十二月起至十
等筆

五千五百佛名經八卷
十三年八月起十四
僧曇等筆

大集賢護菩薩經六卷
十四年十二月起十五
明芬等筆

聖善住天子所問經四卷 十五年四月出道遠等筆

觀察諸法行經四卷 十五年四月二十四日出五月二十五日訖長房等筆

四童子經三卷 十三年五月出訖僧琨筆

諸法本無經三卷 七月訖劉憑等筆

虛空孕菩薩經二卷 七月訖僧曇筆彦琮序

大方等大雲請雨經二卷 見唐錄

月上女經二卷 十一月四月翻六月十九日訖劉憑筆彦琮序

善思童子經二卷 十一月七月起九月

無所有菩薩經四卷 見唐錄

移識經二卷 十一年十一月翻十二月訖長房筆

譬喻王經二卷 十五年五月出六月訖道密等筆

護國菩薩經二卷 見唐錄

發覺淨心經二卷

十五年九月出十月訖僧

一向出生菩薩經

五年十一月出十二月

佛華嚴入如來不思議境界經二卷

見唐錄

大威燈仙胡疑經

六年正月出二月訖道邃

文殊尸利行經

六年三月出四月訖僧曇筆

東方最勝燈王如來經

見唐錄

八佛名号經

六年五月出六月訖道邃筆琮

希有校量功德經

六年六月出其月訖僧曇

善恭敬師經

六年七月出八月訖僧曇筆琮

如來方便善巧呪經

十年正月出二月

不空罽索觀世音心呪經

七年四月出五月

十二佛名神呪除障滅罪經

七年五月出訖

金剛場陀羅尼經

七年六月出 八月訖僧琨

諸法最上王經

十五年七月出 訖明芬筆

入法界經

十五年七月出 訖道密等筆

高主天子門經

十五年八月翻 訖

出生菩提經

十五年十月翻 訖 劉憑筆

金光明經 囉累品 銀主品

鼓 內典錄卷五

涼世曇無讖出 四卷 梁世真諦出 六卷 周世岷多出 五卷 並魚

大乘三聚懺悔經

此兩品今有故復出之 見唐錄

右三十七部合一百七十六卷 北天竺提

達國三藏法師闍那崛多 隋言至德又云

佛德周明帝世 武成年初 共同学耶舍崛

多 隨本師主摩伽陀國三藏禪師闍那耶

舍賈經入國師徒同學悉習方言二十餘
年岨多最善周世在京及徃蜀地隨處並
皆宣譯新經或接先闕文義咸允時遭魔
難世迫王威建德三年逢毀二教夏之七
衆俱俗一夜岨多師徒亦被誘逼旡結
契捐命遊方弗憚苦辛弘化為業值法陵
滅遂爽本心旣辨是梵人不從華服秉古
志節乞求返邦國家依聽以禮放遣我脂
那者實是閻浮之陸海也為諸遐褭殊服
異形成所奔湊其非樂土寧感致斯慕化
而來來者容納思鄉欲去去者不違還向
北天路經突厥遇值中面他鉢可汗殷重

請留因往復曰周有成壞勞師去還此無

廢興幸安意住資給供養當使稱心遂尔

併停十有餘載師及司学悉彼先祖唯多

獨在時属相列沙門寶暹道邃智周僧威

法寶僧曇智照僧律等十有一人以齊武

平六年相結西遊往還七載凡得梵經二

鼓

內典錄卷五

百六十部迴到突厥聞周滅齊併毀佛法

進無所歸退則不可遷延彼間遂逢志德

如渴值飲苦暗遇明仍只尋閱所得新經

請翻名題勸舊錄目頻覺巧便有殊前人

律等內誠各私慶幸獲寶遇匠得不虛行

同誓焚香共契宣譯

大隋受禪佛法即興周等賣經先來應運開
皇元年季冬屆止勅旨付司訪人令翻崛多
四年方果入國處處興善指事弘宣五年勅
旨即令崛多共婆羅門沙門若那竭多開府
高恭恭息都督天奴和仁又婆羅毗舍達等
道俗六人令於內史內省翻梵古書及乾文
等于時廣濟寺唯獨耶舍一人譯經至七年
別勅崛多便兼翻經兩頭來往到十二年翻
書訖了合得二百餘卷進畢尔時耶舍先已
終亡仍勅崛多專主翻譯仍移法席就大興
善更召婆羅門沙門達摩笈多并遣高天奴
高和仁兄弟等同翻又增置十大德沙門僧

休法粲法經慧藏洪遵慧遠法纂僧暉明穆
曇遷等監掌始末銓定指歸其十四部本行
集經七十六卷並是餘處十一年前岨多自
翻沙門彥琮制序皆是其十七部法炬等八
十九卷十二年來在大興善寺禪堂內出沙
門笈多高天奴兄弟等助沙門明穆沙門彥
琮內典錄卷五重對梵本再更覆勘整理文義其外尚有
九十餘部見在續翻訖隨附錄仰惟如來金
口所唱異類各蒙悟解譬如日月輝天迦葉
阿難親承梵音結集布乎皮牒猶如炬燭朗
夜後漢迄今國俗殊別宣譯署在文言狀如
螢燈照室所冀石火之繼太陽以影傳光津

液法流露潤含識庶無斷絕若論真偽本末
可得同年而比較哉

無所有菩薩經四卷 護國菩薩經二卷

佛華嚴入如來不思議境界經二卷

大雲請雨經 東方最勝燈王如來經

大乘三聚懺悔經

右六部經十一卷亦是崑多笈多二師於

興善續出長房錄闕名今搜現入藏經有

之故附此第

增一數四十卷

略諸經論所有數法從一至十至百乃至十萬有似數林

佛性論二卷 衆經錄

右三部合四十三卷相州前定國寺沙門

釋法上撰上戒山崇峻慧海幽深德可軌
人威能肅物故魏齊世歷為統都所部僧
尼減三百萬而上綱紀將四十年當文宣
時盛弘釋典上摠擔荷並得緝諧內外闡
揚黑白咸允非斯柱石孰此棟梁景行既
彰逸響遐被致高句麗國大丞相王高德
乃深懷正信崇重大乘欲以釋風被之海
典然莫測法教始末緣由自西徂東年世
帝代故從彼國件錄事條遣僧義淵乘帆
向鄴啓發未聞事條略云釋迦文佛入涅
槃來至今幾年又在天竺經歷幾年方到
漢地初到何帝年号是何又齊陳國佛法

誰先從尔至今歷幾年帝請乞具注其十
地智度地持金剛般若等諸論本誰述作
著論緣起靈瑞所由有傳紀不謹錄諮審
垂為釋疑上答佛以姬周昭王二十四年
甲寅歲生十九出家三十成道當穆王二
十四年癸未之歲穆王聞西方有化人出
便即西入而竟不還以此為驗四十九年
在世滅度已來至今齊世武平七年丙申
凡一千四百六十五年後漢明帝永平十
年經法初來魏晉相傳至今孫權赤烏年
康僧會適吳方弘教法地持是阿僧佉比
丘從彌勒菩薩受得其本晉安帝隆安年

曇無讖為河西王沮渠蒙遜譯摩訶衍論
龍樹菩薩造晉隆安年鳩摩什婆至長安
為姚興譯十地論金剛般若若論並是僧徒
弟婆藪槃豆造至後魏宣武帝時三藏法
師菩提留支始翻上卷指訂由錄甚廣今
略舉要以示異同而上所服素納袈裟一
乾內典錄卷五鉢三衣外更無聚積諸受請供感世利財
十四起一山寺名為合水山之極頂造彌勒堂
常願往生觀觀彌勒四事供養百五十僧
齊破法湮山寺弗毀上私隱俗習業如常
當願殘年見三寶復更一頂禮慈氏如來
業行既專精誠感激心如注石遂屬開皇

至尊龍飛佛日還照上果情願力疾服袈
裝弟子扛輦昇山寺頂合掌三禮弥勒世
尊右繞三周訖還山下奄然而卒九十餘矣

安民論十二卷

陶神論十卷

因果論二卷

聖迹記二卷

塔寺記

經法東流記

十德記僧尼制

右八部合三十卷相州大慈寺沙門釋靈
裕撰裕即道憑法師之弟子也軌師德量
善守律儀慧解鉤深見聞泓博兼內外學
為道俗歸性愛傳燈情存著述可謂篤識
高行沙門也觀裕安民陶神因果意存宣

通無上法寶開皇十年追入見訖辭帝東
返十一年春厚禮放之

圓頓止觀十卷

於荆州玉泉寺說
沙門灌頂筆記

禪波羅蜜門十卷

於金陵瓦官寺
說沙門法慎記

維摩經疏三十卷

隋帝請出并前玄
卷後玄六卷

法華玄十卷

沙門灌頂筆記

法華疏十卷

沙門灌頂筆記

小止觀二卷

六妙門

覺意三昧

法華三昧

觀心論

三觀義

四教義

四悉檀義

如來壽量義

法界次第章三卷

大方等行法

般舟證相行法

請觀音行法

南岳思禪師傳

右十九部八十七卷天台山沙門釋智顛
撰顛俗緣陳氏荆南人幻真禎感夙稟玄
風蘊道天台尋師衡嶺雙弘定慧圓照一
乘受四教於神僧傳三觀於上德入法華
三昧證陀羅尼門照了法華若高標之臨
幽谷說摩訶衍似長風之遊太虛假令文
字之師千群萬數尋彼妙辯無能窮也自
發軔南岳弘道金陵託業玉泉遁跡台嶺
三十餘載盛弘一乘止觀禪門利益惟遠
義同指月不滯筌蹄或於一法中演無量

義攝無量義還入一心實觀玄微清辯無
盡由是四方法侶請益如林若定若慧傳
燈逾廣為大機感著述茲文並理會無生
宗歸一極者也禪門止觀及法華玄但約
觀心為象敷演灌頂法慎隨聽筆記顛自
印可天下盛傳可謂行人之心鏡大六巨夜之
明燈鼓自古觀門未之加矣陳隋兩帝師為
國寶尊人重法委託舟航捨寶捨身詳諸
別錄內典錄卷五

對根起行雜錄集三十六卷

三階位別錄集四卷

右二部四十卷真寂寺沙門釋信行撰行

魏人少而落髮博綜群經蘊獨見之明顯
高蹈之迹與先舊德解行弗同不全聲聞
兼菩薩行捨二百五十戒居大僧下在沙
彌上門徒悉行方等結淨頭陀乞食日止
一餐在道路行無問男女率皆禮拜欲似
法華常不輕行此亦萬衢之一術也但人
愛同惡異緣是時復致譏此錄誠並引經
論正文而其外題無定准的雖曰對根起
行幽隱指體標榜於事少微來哲儻詳幸
知有據開皇二十年勅斷不聽行想同箴
勗然其屬流廣海陸高之

衆經錄目七卷

右開皇十四年大興善寺沙門釋法經等
二十大德奉勅撰揚化寺沙門明穆區域
條分指蹤紛紜日嚴寺沙門彥琮亂縷緝
維考校同異故表略云摠計衆經合有二
千五十七部五千三百一十二卷凡為七
軸但法經等既未盡三國經本校驗同異
數內興錄卷五今唯且據十餘家錄刪簡可否摠標綱紀
位為九錄區分品類有四十二分凡初六
錄四十六分略示經律三藏大小之殊粗
顯譯傳是非真偽之別後之三錄集傳記
注前三分者並是西域賢聖所撰以非三
藏正經故為別錄後之三分並是此方名

德所修雖不類西域所製莫非毗贊正經
發明宗教光輝開進後學故彙載焉

新合金光明經八卷

右一部大興善寺沙門釋寶貴開皇十七
年合貴即周世道安神足翫陶群典見晉
晉世沙門支敏度合兩支兩竺一白五家
首楞嚴五本為一部作八卷又合一支兩
竺三家維摩三本為一部作五卷今沙門
僧就又合二讖羅什耶舍四家大集四本
為一部作六十卷諸此合經文義宛具斯
既先哲遺蹤貴遂依承以為規矩而金光
明見有三本初曇無讖譯四卷其次崛多

譯為五卷又真諦譯復為七卷其序果云
曇無讖法師稱金光明經篇品闕漏每尋
文揣義謂此說有徵而讎校無指永懷寤
寤梁武皇帝愍三趣之輪迴悼四生之漂
沒汎寶舟以救溺秉慧炬以照迷大同年
中勅遣直後張汜等送扶南獻使反國仍
鼓請名僧及大乘諸論雜華經等彼國乃屈
內典錄卷五西天竺優禪尼國三藏法師波羅末陀梁
言真諦并賣經論恭膺帝旨法師遊歷諸
國故在扶南風神爽悟悠然自遠群藏淵
部罔不研究太清元年始至京邑引見殿
內武皇躬伸頂禮於寶雲殿供養欲翻經

論寇羯憑陵大法斯外國難夷謚沙門僧
隱始得詔稟法師譯經經目果溯三身分
別業障滅陀羅尼最淨地依空滿願等四
品全別成為七卷今新來經二百六十部
內其間復有銀主陀羅尼品及囑累品更
請崛多三藏出沙門彥琮重覆校勘故貴
今合分為八卷品部究足始自手斯文号
經王義稱深妙願言幽顯頂戴護持

十種大乘論

右大興善寺沙門釋僧粲撰粲俗姓孫氏
陳留人少出家尚遊學江河南北靡所不
經闡隴西東觸處皆履涉歷三國備齊陳

周諸有法筵無不必踐工難問善博尋今
為二十五衆第一摩訶衍匠故署斯論光
贊大乘十種者一無障礙二者平等三逆
四順五接六挫七迷八愛九相即十中道
引經論成文證據甚有軌轍亦初學者巧

方便門也

內典錄卷五

論場一部三十一卷

八九

右一部大興善寺沙門成都釋僧琨集琨
即周世釋亡名之弟子俗緣鄭氏性沉審
善音聲今為二十五衆教讀經法主搜括
群經卷部連比唯諸雜論篇軸參差引經
說云欲知智者意廣讀諸異論緣是衆撫

先聖後賢所撰諸論集為一部稱曰論場
譬世園場則五果百穀戲場則歌舞音聲
戰場則牟甲兵仗道場則幡華寶蓋種種
莊嚴今此論場譬同於彼無事不有披帙
一閱俱覽百家自利利人物我同益者也
凡聖六行法二十卷 十卷 七卷 五卷

三卷

一卷

右六部凡五十餘卷滄州逸沙門釋道正
所撰正頭陀為業不隸名貫悼時俗聲說
故撰茲行門廣采群典布列名目閑皇中
入京僕射高頴重之為建法筵談述行體
名德惠其功教不許流布正遂逃越人世

埋名塵俗不測其終後收其遺文恨相知
之遠矣

達摩笈多傳四卷

通極論

辯教論

辯正論

通學論

善財童子諸知識錄

新譯經序

教內典錄卷五

右六部合十卷日嚴寺沙門釋彥琮撰琮

俗緣李氏趙郡栢仁人世号衣冠門稱甲

族少而通敏才藻內融識洞幽微情同水

鏡遇物便曉事浮再詳其論傳辭並皆精

洽通極者破世諸儒不信因果執於教迹

好生異端此論所宗佛理為極辨教者明
釋教宜真孔教弘俗論老子教不異俗儒
靈寶等經則非儒攝通學者勸誘世人徧
師孔釋令知外內備識俗真善知識者是
大因緣登聖越凡不因知識無由達到此
勸於人廣結知友若善賤焉

述釋道安智度論解二十四卷 并道安自

製序

存廢論

傷學論

厭修論

右四部合二十七卷 舍衛寺沙門釋慧影
撰影俗緣江氏巴西人周世智度論師釋
道安義解之神趾傳燈注水繼踵法輪述

而不作弘摩訶衍亦為二十五衆生潛形
寺宇汎志慧流迹罕人間情多物外文鋒
出口理窟入神觀夫論興厥意可觀後學
論者為除謗法之愆存廢為防姦求之意
厭修令人改過服道者也

占察經二卷

鼓
內典錄卷五

右一部檢錄無目經首題云吾提登此一在外

國譯似近代出今諸藏內並寫流傳而廣
別有一僧行塔懺法以皮作二枚帖子一
書善字一書惡字令人擲之得善者好得
惡者不好又行自撲法以為減罪而男女
合雜青州亦有一居士同行此法閱皇十

三年有人告廣州官司云是其妖官司推
問其人引證云塔懺法依占察經自撲法
依諸經中五體投地如大山崩廣州司馬
郭誼來向岐州具狀聞奏有勅不信占察
經道理令內史侍郎李元操與郭誼就寶
昌寺問諸大德沙門法經等報云占察經
目錄無名及譯處塔懺法與象經復異不
可依行下勅云諸如此者不須流行

旌異傳二十卷

右一部相州秀才儒林郎侯君素奉隋文
勅撰素名白神思卓詭博綜玄儒常居宰
伯之右以問幽極之略故著茲傳用悟士俗

通命論兩卷

右一部晉王府祭酒徐同卿以為儒教亦
有三世因果之義但以文言隱密理致幽
微先賢由來未所辯立知今備引經史正
文會通運命歸於因果意欲發顯儒教旨
宗助佛宣揚導達群品咸奔一趣斯蓋博
識能洞此玄云

數門錄卷五

凡二

外內傍通比較數法

右一部翻經學士汪陽劉憑撰憑內外學
數術偏工每以前代翻經等數比較術法
頗有不同故為斯演其序略云世之道藝
有淺有深人之稟學有疎有密故尋等之

用也則兼該大衍其不思也則致惑三隅
然卒夏數法自有三等之差天竺所陳何
無異端之例然先譯經並以大千稱為百
億言一由旬為四千里依諸等計悉不相
合竊疑翻傳之日彼此異音指麾之際於
斯取失故錄衆經等數之法與卒夏相參
十十變之傍通對衍庶擬翻譯之次執而
辯惑既參經語故附此錄云

開皇三寶錄一十五卷

右一部翻經學士成都費長房所撰房本
出家周廢僧侶及隋興復仍習白衣時預
參傳筆受詞義以歷代群錄多唯編經至

於佛僧紀述蓋寡乃撰三寶履歷帝年始
自周莊魯莊至於開皇末歲首列甲子倍
列諸經翻譯時代附見綸綜今所集錄據
而本之至於入藏瓦玉相謬得在繁富失
在覈通非無憑准未可偏削

象經法式十卷

鼓內典錄卷五

右一部開皇十五年文帝勅令有司撰初

此三

即依位辯而出之奏聞在內隋祖敬重教
法無時可忘所以自始登極終及大行每
日臨朝於御牀前置列高座二所一置經
師令轉大乘二置大德三人通三藏者帝
目覽萬機耳聆聲教纔有喜怒經師潛默

帝曰師何黥耶僧曰見陛下責人不敢轉
讀帝曰但讀此臨御億兆喜怒尋常不足
致恠乃是俗事何關佛法聞樂佛言不敢
違背意願常聞耳於經有疑隨藏問決致
有約文法式統明三学條列有序聞于時
俗

東都起世經十卷

緣生經二卷

藥師如來本願經

攝大乘論十卷

菩提資糧論六卷

金剛般若論二卷

緣生論

大方等善住意天子所問經四卷

大方等大集菩薩念佛三昧經十卷

右前經論三十三卷北天竺烏場國三藏
達摩崛多隋言法藏不遠鄉國來儀帝京
開皇仁壽並參傳譯于時崛多控權令望
居最傳度梵隋時唯稱美至於深義莫不
反啓斯人而容範滔然無涉世路所以傳
譯聲望抑已揚人仁壽之末崛多以緣他
事流擯東越笈多乘機專掌傳譯凡四大業三
年東都伊始煬帝於洛水南泐天津橋右
置上林園立翻經館遂移京師舊侶於雜
邑翻經笈多相從羈縻而已余以大業十
年躬至其館時琮師已往則上猶在洛漠
風猷綴旒誰賞尋介離亂宗師珍絕悲哉

福田論

僧官論

西域志十卷

右諸論並沙門釋彥琮所撰名顯兩代參
譯二朝東都立館掌錄經典煬帝著令僧
拜俗官琮不忍此著論陳列前引東晉慧
遠沙門不敬王者後解維摩法華權宜非
是化體廣陳出處之迹嚴陵周黨之徒高
豎三寶之儀崇尚歸敬之本文極該贍衢
路顯然近者龍朔之元下詔令尋此議京
官大半互有異同余以論示毀誇攸息錄
狀聞奏下勅罷之

四念處觀四卷

天台山國清寺百錄五卷

金光明行法

修禪相口訣

天台智者師別傳

杭州真觀法師別傳

右十三卷天台山國清寺沙門釋灌頂撰

頂即智者之猶子也景行冰霜俊神清朗

數內與錄卷五

聞持教義類若瀉瓶深明止觀此五雙修定慧

敷揚妙法池閣靈瑞之運字侶雲繇泉涌

輕甘之水天台智者樂說無窮止觀禪門

約心開演頂皆摠持一聞靡失以定慧之

餘出四念處觀及諸傳錄述陳隋二帝崇

信三尊尊師重法歸敬之相又撰法華涅槃

槃淨名金光明請觀音等經疏各有部裝
今不備載

翻經法式論 一部十卷

諸寺碑銘三卷

右件論文翻經沙門釋明則所撰則本冀
人生知挺秀文彩之盛聞于鄉曲初未之
齒也及製覺觀寺碑楚公揚素見而重之
追入京室預參傳譯述作銘頌論序等備
于別集

別內法一卷

內訓一卷

右翻經沙門行炬所撰炬即彥琮之猶子
也然家風梵學故之此任後召翻經不久
終世不成其器云

皇朝傳譯佛經錄第十八

聖人利見應錄在期隋煬末齡天地同閉鷄
張鵲起蟻結蛇盤人不聊生物無寧止皇唐
教舉義動天心四海廓清三寶雲構爰初武
德之紀迄今龍朔之元天下大同四十餘載

高祖創基定業太宗廓靜方維今上垂拱巖

鼓 內典錄卷五

廊方享無窮之祚度僧立寺廣事弘持翻譯

凡六

新經備諸史錄摠撮略此隨緣廣之將用顧
廣未聞龜鏡今古然則皇運之始天步猶艱
薛舉直指於幽岐王充擁甲於河洛東西引
寇各擅威雄自餘偏裨蜂飛蝟峙國家守本
甄意誅除至於佛理弥隆顧及故高祖一代

仍舊遵崇至於翻譯未遑銓品貞觀之始

存猶在獵狃飲馬於渭涇關輔寄食於樊汴

螟螣布野穀洛侵宮文帝解網思政日旰忘

食瞻言寺塔務事經營所以四方壁壘咸置

伽藍立碑表德以光帝業如破薛舉立昭仁

寺破武周立弘濟寺破宋金剛立慈雲寺破

宋老生立普濟寺破建德立等慈寺破劉闡

立昭福寺並官給供度佛事弘及天下清平

敬立碑頌德為萬代之大歸焉及天下清平

思弘仁教乃捨舊宅為興聖寺為先妣立弘

福寺為東宮立慈恩寺於昭陵立瑤臺寺躬

幸弘福手製疏文垂泣對於僧徒優言陳於

肅敬每下明勅監造有司經像締攝畢存精

妙至於老宗鮮聞褒顯時有波頗梵僧帝所

尊重延入內殿優問頻仍翻度新文天府供
給今上之嗣位也信重逾隆先皇別宮咸捨
為寺傳度法本更甚由來有沙門玄奘觀方
遊國還返帝京二帝欽承微入宮闈為製教
序布所譯經官供豐萃于今不絕故爰初貞
觀迄於龍朔之年三十餘紀傳經道俗沙門
觀 內典錄卷五
唐梵略有一十餘人綴文筆受備如下列所
出經論記傳行法等合有一百餘部一千五
百餘卷結為皇朝內典經錄流之遠代永作
指模同軌光揚長存不朽冀將來明哲乘此
續修述三寶之神功徧忍土而施化弘千佛
之成教歷賢劫而無窮焉

沙門波羅頗蜜多 三部三十八卷經

沙門釋玄琬 七部一十三卷論

沙門釋法琳 二部一十卷論

沙門釋慧淨 四部一十五卷內論

典儀李師政 一部一卷論

沙門釋法雲 二部一十三卷論

沙門釋道宣 一十八部一百餘卷

集論錄序記儀

沙門釋玄奘 六十五部 一卷經論傳記

沙門釋彦悰 二部十六卷寺錄

沙門釋玄應 一部二十五卷經音

沙門釋玄暉 八部一百三十卷雜記傳

沙門釋玄範 二部注經及序

寶星經 一部十卷

般若燈論 一部一十三卷

大乘莊嚴論 一部十卷

右三部三十五卷西天竺國沙門波羅

頗蜜多唐言光智以真觀初年賈梵業

鼓

內典錄卷五

本至止京輦奏聞乃

凡八

勅左僕射房玄齡太府卿蕭瑛給事杜正

倫監護翻譯又遷京邑大德沙門玄模度

詔沙門慧曠慧淨法琳綴文沙門慧乘慧

朗智首曇藏僧珍靈佳慧明法常僧辯等

證義子斯時也大集梵文將事廣傳陶澤

後代而恨語由唐化弘匠不行致使梵寶
無由分布故十載之譯三部獻功可悲深矣

三德論一卷

入道方便門二卷

鏡喻論

無礙緣起一卷

十種讀經儀

無盡藏儀

發戒緣起二卷

法界圖一卷

懺悔罪法二卷

右九部一十二卷延興寺沙門釋玄琬所

撰琬道行純備慧學該洽道俗歸依像末

城漸以德聲高被微為皇太子戒師晚以

年尊脚疾乘輿而入內禁

太宗隆重文德深敬說法誘導

上帝稱善王臣百辟莫不奉其戒誥然其
弘護居心誘進成務所以著論多門意存
開化為本又以法流東漸三被誅殘雖後
鳩拾不無紕紊欲證一文義該貫後賢
乃集達解名德三十餘人親面綜括披尋
詞理經延鼓歲序方乃究竟即寫內典錄卷五淨本以為
法寶正則故方隅道俗欲寫藏經皆就傳
本以為指准斯亦後代之僧傑也故能振
此遺基

破邪論一部二卷

辯正論一部八卷

右二部一十卷終南山龍田寺沙門釋法
琳所造琳本住荆楚少參名匠宗猷教義

達解玄儒遊不擇方護法為任往以武德
之始法門死塞飾詐之儔過聞天聽太史
令傳奕乘便舉隙奏上誅毀事一十餘條
意存退僧貶佛道士李少卿又上十異九
迷論道士劉進喜又上顯正論皆塵黷佛
法無取於時京邑諸僧亦有抗論者皆無
可尚於是釋教蒙塵道俗同恥琳不忍其
誣惛乃著論以禦之廣引孔老敬佛之文
多陳王臣重法之事作論既成時俗競寫
有道士秦英扇動宮儲以琳著論訕毀祖
禰文帝大怒追琳辯對前後重沓恆附聖
心末後對云所著破邪辯正皆與文籍扶

同一字有虧任從斧鉞

陛下若順忠順正琳則不損一毛

陛下若刑濫無辜琳則有伏尸之痛云云

帝不罪放于益部為僧在道終歿諸有別

集三十餘卷秦英竟以虛詐伏誅劉李宗

氏相從化往故其遺文往行可為萬代宗

數內典錄卷五
轉云

四十

釋疑論一部一卷 內典詩英萃一部十卷

注金剛般若經 諸經講序

右四部一十餘卷京師紀國寺沙門釋慧

淨所撰淨本趙人俗緣房氏即隋國子博

士徽遠之猶子也神慧標舉有聲京國談

述餘論凌轢後賢每以士俗諸儒沈迷報
業輕侮僧儔以文自擁淨乃署釋疑論以
曉業緣集詩英萃以知僧中不可輕罔介
後文府雄伯皆造法筵重其機鑒朗拔欣
其慧悟清峻左僕射玄齡引為家僧春宮
已下資其理義多遊內禁對論李宗列辟
解頤皇儲欽敬下令徵延為普光寺主仍
知紀國上座淨當斯榮幸兩以居之所署
諸經並嚴雜心俱舍等論疏百有餘卷故
不備載

內德論一部一卷

右件論貞觀初年門下典儀李師政之所

作也政家上黨學識攸歸少說大方長遂
通洽每與諸朝士共談玄奧多陷名相以
佛宗為虛誕同迷緣業以聖理為捫虛政
乃著論三篇初明顯正喻傳氏之譏誅中
明運業曉今古之迷濫後述因果辯感報
之非謬文極該要統史籍之前言義寔明
鼓冠拔內錄卷五沉真之滯結
辯量三教論一部三卷
十王正業論一部十卷

右二論一十三卷京師西明寺沙門釋法
雲所造雲本絳人少遊玄肆又居定室至
勤神機雖不廣閱經書歷眼玄知旨趣每

見俗流雅論均三教於一宗商略皇王混
政道於時俗遂搜採名理討覈玄儒畧茲
二論開道悟俗

注戒本 一部二卷并疏記四卷

注羯磨 一部二卷疏記四卷

行事刪補律儀 一部三卷或六卷

釋門正行懺悔儀 一部三卷

釋門亡物輕重儀 釋門章服儀

釋門歸敬儀 釋門護法儀

釋氏譜略 聖迹見在圖贊

佛化東漸圖贊 一部二卷

釋迦方志 一部二卷 古今佛道論衡 一部三卷

大唐內典錄十一部 續高僧傳十一部 三

後集續高僧傳一部 十卷

廣弘明集一部 三十卷

東夏三寶感通記一部 三卷

右諸注解儀讚傳記一十八部 一百一十

餘卷終南山沙門釋道宣所撰宣少尋教

教內典錄卷五

相長慕尋師關之東西河之南北追訪賢

友無憚苦辛貞觀末年方事修緝所列如

右遺失不無意存毗贊故也

大般若波羅蜜多經一部 六百卷

顯慶四年在玉華宮寺譯

大菩薩藏經一部 二十卷 貞觀十九年 在弘福寺譯

大方等十輪經 一部十卷

無垢稱經 一部六卷

解深密經 一部五卷

分別緣起經 卷一部兩

能斷金剛般若經

佛地經

藥師本願功德經

如來教勝王經

稱讚淨土經

最無比經

寂照神變三摩地經

甚希有經

稱讚大乘功德經

顯無邊佛土經

六門陀羅尼經

諸佛心陀羅尼經

拔舌難陀羅尼經

勝幢臂印陀羅尼經

八名普密陀羅尼經

不空罽索神呪心經

十一面神呪心經

稱讚七佛名号功德經

般若多心經

千轉陀羅尼經

菩薩戒本

天請問經

菩薩羯磨

持世陀羅尼經已上二十八部大乘經

瑜伽師地論 一部一百卷大慈恩寺譯

顯揚聖教論 一部二十卷弘福寺譯

大乘阿毗達磨雜集論 一部十六卷弘福寺譯

攝大乘本論 一部三卷

鼓 內典錄卷五

攝大乘論世親釋 一部十卷

大乘阿毗達磨集論 一部七卷

攝大乘論無性釋 一部十卷

廣百論 一部十卷 成唯識論 一部十卷

佛地經論 一部七卷 辯中邊論 一部三卷

掌珍論 一部兩卷

成業論 已下一部一卷

因明正理門論

因明入正理門論

大乘百法明門論略錄

大乘五蘊論

廣百論頌

顯揚聖教論頌

王法正理論

觀所緣緣論

唯識三十論

記法住傳

辯中邊論頌

已上二十四卷

本事經 卷一部七

緣起聖道經

已上一部一卷已上二經小乘

大毗婆沙論 一部二百卷

順正理論 一部八卷

顯宗論 一部四十卷

俱舍論 卷一部四十

集異門論 一部二十卷

發智論 卷一部二十

品類足論 卷一部一十八

識身足論

十一部一卷

法蘊足論

一部一十二卷

入阿毗達磨論

一部二卷

俱舍論頌

一部一卷已上一十一部小乘論

大唐西域傳

一部一十二卷

右大小乘經論六十五部一千三百八卷

京師大慈恩寺沙門釋玄奘奉

數內典錄卷五

詔譯奘本穎川俗緣陳氏小年出家師無

四十四

遠近以真觀三年出觀釋化五竺八河備

經歷覽名德勝地訪無不逮大獲梵本遊

途帝城以真觀十九年躬謁文帝異倫禮

接仍

勅名德沙門二十人助緝文句初在弘福

翻經公給資什沙門靈閏等證義沙門行
友等級文沙門辯機等執筆及慈恩創置
又移於彼參譯紛紛未遑條列帝乃延內
禁并幸南北山宮面叙玄理極展誠敬天
命有終日月奄曜英還京寺如常傳譯後
以緣故徙住玉華宮供給仍不爽前及故
始自弘福今迄北宮一十八載傳度法本
雖非超挺然不墜譯功庶後之明識因斯
重復塵廣也

大唐京寺錄傳 一部十卷 龍朔元年修緝

沙門不敬俗錄 六卷

右二部京師弘福寺沙門釋彥棕以字內

塔寺靈相極多足感人心開沿誠信江表
梁室署記十卷東都後魏亦流五軸而渭
陰帝里名寺勝塔獨亡述紀悚憤斯事創
就纂結文寔鋪發事亦典據有宗轄焉

大唐象經音義 一部二十五卷

右一部京師大慈恩寺沙門釋玄應所造

數內興錄卷五

應博字字書統通林苑周涉古今括究儒

四十五

釋音高齊沙門釋道慧為一切經音不顯

名目但明字類及至臨機搜訪多感應憤

斯事遂作此音徵覈本據務存實錄即萬

代之師宗亦當朝之難偶也恨叙綴纒了

未及覆疎遂從物故惜哉

敬福論 十卷 略敬福論 二卷 大小乘觀門 十卷

法苑珠林集 一百卷 金剛般若經集 注三卷

百願文 一卷 釋門靈感 五十卷

四分律僧尼討要略 五卷

右七部一百三十一卷京師西明寺沙門

釋玄暉所撰暉本名道世律學有聲慕重

良綴緝為務兼有鈔疏注解衆經人代即

目略叙如右

注金剛般若經 注二帝三藏聖教序

右二部普光寺僧釋玄範所撰範少深大

方資學名匠立履清曠不群庸小專門強

學出自天心弘贊正理開明道俗有別集

下	也	鼎	逃	上	反	下	聚	至	也	也	息	邃	帝	屋	泉
寧	音	籛	徒	議	亭	也	壤	鍵	及	私	隋	上	曰	天	醴
也	蜜	校	一	音	也	困	但	土	汝	鑰	遂	代	余	一	子
一	二	酬	針	反	湮	一	在	一	兩	閉	件	踐	帝	向	一
挫	音	教	誠	下	舟	沉	音	往	胡	也	反	門	藥	踏	音
推	則	寇	勸	許	航	也	因	也	反	握	具	二	也	賤	顛
一	卧	羯	也	玉	方	下	扛	暹	一	於	也	音	茹	反	語
也	反	下	上	紘	舟	戶	舉	反	息	持	角	睿	茹	豈	子
撫	居	音	給	也	岡	二	江	廉	也	反	一	羊	而	誼	之
拾	音	謁	反	上	反	音	余	都	憚	聖	歲	反	庶	義	音
也	隻	反	反	一	慧	標	泓	督	畏	徒	也	反	骨	笈	處
才	才	才	才	才	才	才	才	才	才	才	才	才	才	才	才
藻	不	昌	揣	木	下	反	上	察	音	篤	正	奔	湊	下	音
早	下	音	義	牌	必	深	於	崩	也	正	指	指	指	指	指
神	夷	謚	初	委	箴	跡	跡	跡	跡	跡	跡	跡	跡	跡	跡
趾	謚	尋	委	箴	跡	跡	跡	跡	跡	跡	跡	跡	跡	跡	跡

